

WEEK 3 - HERHALINGS VAN BERIGTE/INLIGTING IN 'N VORIGE VRYPOS

1. ALGEMEEN:

BIDDAG VIR ONDERWYS: Die Biddag vir Onderwys is vanjaar op **Sondag 12 Februarie 2017**. Skole het die ondersteuning van gemeentes broodnodig. Die NG Kerk het 'n kosbare geskiedenis van betrokkenheid by die onderwys. **Gemeentes word gevra om tydens eredienste op 12 Februarie, aandag te gee aan hierdie belangrike saak, gebruik gerus die bygaande gebed - sake waarvoor voorbidding gedoen kan word is:**

- Die minister van Onderwys en plaaslike onderwys-strukture.
- Dankbaarheid vir uitstekende skoolhoofde, onderwysers, dosente, ouers en leerders.
- Plaaslike skole, skoolhoofde, beheerliggame, onderwysers en leerders.
- Die rol wat organisasies soos die SAOU en FEDSAS speel om gehalte onderwys te verseker.
- Kalmte en veilige omstandighede op Universiteite en ander instellings vir studente om te studeer.
- Die saak waarin ses skole oor hul godsdienstebeleid deur die Organisasie vir Godsdiensoerrig en Demokrasie (Ogod) voor die hof gedaag word, wat van 15 tot 17 Mei 2017 in die hooggeregshof in Johannesburg aangehoor word. Die Federasie vir Beheerliggame van Suid-Afrikaanse Skole (Fedsas), verteenwoordig die ses skole in dié saak. Die NG Kerk is as vriend van die hof by hierdie saak betrokke.

Gebed vir opvoeders

Here,
Laat hulle leer met WYSHEID
om gedagtes te vorm
Laat hulle te leer met WAARHEID
om harte te vorm
Laat hulle leer met VISIE
om die toekoms te vorm
Laat hulle leer met LIEFDE
om die wêreld te vorm



WÊRELDBIDDAG VIR VROUE - 3 MAART 2017: Die land wat hierdie jaar betrokke is by die tema, is die Filippyne - hulle het ***My genade is vir almal*** (*Am I being unfair to you?*), as tema gekies, met Matt 20: 1-16 as teks. Vir meer inligting, klik [hier](#) en om bestellings vir die brosjure te plaas, klik [hier](#).



GEBED DEUR DIE TABERNAKEL: Gedurende die laaste kwartaal van 2016 het ds Laurie Naudé van die NG Gemeente Meyerhof in Bothaville, 'n voorlegging aan die Sinodale Kommissie vir Erediens (SKE) gemaak oor **GEBED deur die TABERNAKEL**. Hy het dit toegelig met foto's, 'n Powerpoint-aanbieding en insiggewende, goed nagevorsde praktiese inligting uit veral Eks 25-40 en Heb 9-12. **Die versoek is nou dat hierdie inligting wyer bekend gestel moet word, sodat gemeentes dit dalk as Gebedsleiding/Gebedskursus, of 'n Gebedsmodel kan gebruik.** Ds Laurie se gemeente het ook 'n Tabernakel in die kerktuin opgerig, sodat die inligting prakties beleef kan word. Belangstellendes is baie welkom om die Tabernakel by Meyerhof te besoek, of om ds Laurie te kontak vir verdere inligting, selfs as julle dalk sou belangstel dat hy julle gemeente/Gebedsaksie, of leierskorps hierin moet kom begelei. Hy het reeds in gemeentes gehelp met 'n Bybelskool, wyksbyeenkomste en dag-kursusse oor **GEBED deur die TABERNAKEL**. Maak gerus gebruik van hierdie diens wat deur die SKE aangebied word en kontak ds Laurie by 082 378 2322 / 056 515 3478, of stuur 'n e-pos na laurienaude@telkomsa.net



2. GEBEURE BY GEMEENTES:

DEURNAG LOFPRYSSING EN AANBIDDING VIR HERLEWING: Hierdie geleentheid deur die **NG Gemeente Sasolburg-Fakkell** (geleë te Schalk Burgerstraat 7, Sasolburg), vind op **Vrydagaand 3 Februarie vanaf 18:00 tot Saterdag 4 Februarie 2017 om 06:00** die oggend plaas. Toegang is gratis, maar daar sal geleentheid wees om offergawes te gee vir die oprigting van 'n jeuglokaal vir die gemeente. Ligte etes en drinkgoed sal om 24:00, asook om 06:00 voorsien word. Kinders en volwassenes is welkom, hulle reël vir kinderoppassers, bring slaapsakke, kussings en komberse saam. Vir meer inligting kontak vir Willem Burger by 016 976 1231, of vir William Singleton by 082 699 7398.



FEESJAAR VIR NG WINBURG: Die **oudste NG Gemeente in die Vrystaat word vanjaar 175 jaar**. Die **NG Gemeente Winburg** is in 1842 gestig en hierdie gebeurlikheid gaan op 'n feestelike wyse gevier word. Op **26 Februarie 2017** is daar 'n

spesiale gedenkdiens en word daar ook 'n heerlike koue ete aangebied met Barend Deysel wat as gaskunstenaar sal optree. Dit word 'n reunie vir alle lidmate en oud-lidmate, Winburgers, oud-Winburgers en alle kennisse wat op die een of ander manier 'n band met die gemeente gehad het of steeds het. Die **erediens begin om 09:30 in die pragtige klipkerk** en die ete word na die diens op die terrein aangebied. Vir verdere besonderhede, asook vir etekaartjies @ R60 per kop, skakel gerus die kerkkantoor op 051 881 0339 (k/u Ma, Wo en Vry tussen 09:00 en 12:00). Besoek ook die gemeente se Facebook-blad by [NG Gemeente Winburg](#).



3. ANDER GEBEURE:

LiG-LESERSDAG IN BLOEMFONTEIN: LiG, in samewerking met die NG Gemeentes Heuwelsig en Woodlands Gemeenskapskerk, bied hierdie geleentheid aan op **Saterdag 4 Maart 2017 te Emoya Estate**.



SPESIALE AANBOD! Vir elke 10 kaartjies wat jou gemeente verkoop, kry julle R275 om op 'n gemeenteprojek te spandeer (of om iemand vir die lesersdag te borg). Indien jou gemeente drie tafels van 11 kaartjies elk bespreek, ontvang die gemeente 'n LiG-intekening vir 20 mense vir 'n tydperk van drie maande. Kom geniet 'n oggend wat 'n vonkel in jou oog, 'n warmte in jou hart en 'n huppel in jou stap gaan sit. Franja (Juanita du Plessis se dogter) gaan ons harte laat sing, terwyl 'n verskeidenheid van inspirerende sprekers met ons oor praktiese- en hartsdinge gaan gesels. Elke gas ontvang ook 'n propvol geskenkpak.

Saterdag 4 Maart 2017
Emoya Estate, Bloemfontein
8:30 tot 13:00

R275 per persoon (sluit 'n heerlike ontbyt in)

Bespreek by Karin Rautenbach tydens kantoorure: karin@dalajunction.co.za of **021 949 7419 of 083 293 2848**

Slegs bankinbetalings of elektroniese bankoorplasinge.

4. KURSUSSE:

KURSUS OOR DISSIPELSKAP: "Leef in Kontak met God. Herontdek die vreugde van gemeenskap met God. Leef om God se hart en stem te hoor, God se wil te ontdek vir jou lewe en baie meer." **Dr Francois Carr** gaan die naweek van **17 tot 19 Februarie 2017** hierdie kursus by die **NG Gemeente Hoopstad** aanbied - koste is R200pp. Indien jy belangstel om dit by te woon, kontak vir Zibby op 053 444 1058, of vir Meryl op 082 824 1318.

BEGINNERSKLASSE IN SESOTHO: Die **NG Gemeente Langenhovenpark** bied wéér hierdie gewilde **kursus in Sesotho** aan. Dié kursus strek oor 26 weke en die totale koste beloop R2 000pp. Die kursus **begin DV Donderdag 23 Februarie 2017 om 18:30** en vind in die Gemeentesentrum van die NG Kerk Langenhovenpark plaas (in die Kleinkerk). **Registreer asseblief vóór of op Woensdag 15 Februarie om 10:00** - telefonies by 051 446 2225 (k), of per e-pos by ngklhp@mweb.co.za. 'n Volledige inligtingsblad is ook by die kantoor beskikbaar. 'n Nie-terugbetaalbare deposito van R750 is betaalbaar vóór, of op Maandag 20 Februarie om 10:00. **Daar is plek vir net 25 studente**. Vir verdere navrae skakel die kantoor by genoemde nommer, of vir Riaan Stander op 051 446 1131, of 082 665 8478.

